



Inatsisartunut Ilaasortaq Knud Fleischer, Kattusseqatigiit Partiat
Inatsisartut
/Maani

**Sinerissap qanittuani qaleralinniarnermik killilersuineq pillugu § 37
tunngavigalugu Naalakkersuisunut apeqqummut nr. 2012-002-mut akissut**

18. jan 2012
Sagsnr. 2012-060346
Dok. Nr. 806339

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Naalakkersuisunut apeqqutit:

1. Angallatit qanoq angitingisut akuersissummik tunineqartassalissappat?
2. Qaasuitsup kommuuniani, aalisarnissamut akuersissutit qassiuppat?
3. Angallatit qaleralinniutit qanoq angitingisut pisassanik tunineqartassappat?.
4. Aalisartunut tusarniaanermi januar-ip 15-ianut killeqartumi, tusarniut qanoq isikkoqarpa?
5. Aalisartut suna aallaavingalungu, pisassanik tunineqartassappat ?
6. Tunisassiorfiit mikisut, pisassanik tunineqarnissaminnut qanoq periarfissaqarpat?
7. Uummannarmiut pisassaninnik nunguutsingaangamik ilulissanut aaliartarnerat ingerlatiinnarneqarparpa?
8. Aalisariutaarsiutinik qalluisarneq pillunga qanoq ittunik naalakkersuisut pilersaaruteqartoqarpa?

Akissut:

1 aamma 3 pillugit: Ilisimatitsissutigisinnaavara sinerissap qanittuani qaleralinniarnermi pisassiissutit niuerutigineqarsinnaasut atuutilersinneqarnerisigut angallatit 6 meterimit anginerusut mikinerusullu immikkoortinneqartassasut. Angallatit 6 meterimit mikinerusut, umiatsiaaraanerusartut, aalisarnermut tassunga qinnuteqaateqareernikkut suli aalisarsinnaanermut akuersissuteqartassapput. Oqaatigineqassaaq siunissami aalisarsinnaanermut akuersissuteqarnissamut piusasaataasassammat qinnuteqartup aalisarnermi pineqartumi siusinnerusukkat aalisarsinnaanermut akuersissuteqarsimanissaa.

Angallatinut pisassiinermi taamaallaat angallatit 6 meterimit anginerusut aqutsiveqarfinni Qeqertarsuup Tunuani, Uummannami imaluunniit Upernavimmi aalisarsimasut sinerissap qanittuani qaleralinniarnermut pisassiissutinit

pigisanik tunineqartassapput. Angallatit taakku piffissamut killiligaanngitsumut aalisarsinnaanermut akuersissummik pisassiissutinillu pigisat niuerutigisinnaangorlugit pissarsisassapput.

2 pillugu: Qaasuitsup Kommuniani 2011-mi aalisarsinnaanermut akuersissutit katillugit 1.839-t tunniunneqarput, agguarneqarlutik qaleralinniarsinnaanermut akuersissutit 1.047-t aamma saarullinniarsinnaanermut akuersissutit 792-it.

4 pillugu: Nalunaarutissatut siunnersuutit marluk maannakkut tusarniaassutigineqarput. Sinerissap qanittuani qaleralinniarsinnaaneq pillugu nalunaarutissamut nutaassamut siunnersuut aamma aalisarsinnaanermut akuersissutit pisassiissutinillu pillugit nalunaarutissamut nutaassamut siunnersuut. 12. december 2011 tusarniaassutigalugit nassiunneqarput, akissuteqarnissamut killigitinneqarluni 13. januar 2012. Oqaaseqaatit naleqquttut tamaasa nalunaarutitut Naalakkersuisoqarfiup ilanngutissavai.

5 pillugu: Aqutsiveqarfimmi Qeqertarsuup Tunuani, Ummannami Upernavimilu angallatinut angisuunut pisassiissutinik pigisanik tunniussineq ukiuni 2011-mi, 2010-mi 2009-milu angallatit angisuut sumiiffimmi taakkunani qaleralinnik pisaattut nalunaarsorneqarsimasut tunngavigalugit pissaaq. Pisassiissutinik pigisat naatsorsorneqarnerannut atatillugu 2009-mi pisat 20 %-imik naleqassapput, 2010-mi pisat 30 %-imik naleqassallutik aamma 2011-mi pisat 50 %-imik naleqassallutik.

6 pillugu: Tunisassiorfinnut mikinerusunut piffissami killiligaanngitsumi pisassiissutinik tunniussisarnissamik siunnersuuteqartoqanngilaq. Sinerissap qanittuani qaleralinniarnaq pillugu nalunaarutissatut nutaassatut siunnersuut malillugu taamaallaat angallatit 6 meterimit anginerusut aalisarsinnaanermut akuersissuteqareersut pisassiissutinik niuerutigineqarsinnaasunik tunineqartassapput.

7 pillugu: Angallatit mikisut ataatsimut pisassiissutinik aalisartut eqqarsaatigalugit aqutsiveqarfimmi allami aalisarsinnaanerup ingerlatiinnarneqarsinnaaneramik periarfissaqarneq atuutitiinnarneqarpoq, soorlu 2011-mi taamatut pisoqartoq. Angallatinut mikisunut pisassiissutit Ummannami nungunneqarpata aalisartoq mikisumik angallateqartoq aalisarnini Qeqertarsuup Tunuani ingerlateqqissinnaavaa, piunasaqaataallunili angallatinut mikisunut pisassiissutit nungunneqarsimannginnissaat. Malugeqquneqarpoq angallatit mikinerit tunngaviusumik aalisarsinnaammata piffinni taaneqartuni tamani, sullissiviusuni pineqartuni pisassiissutit nungullugit aalisarneqarsimanngippata.

Aqutsiveqarfimmi ataatsimi pisassiissutit nungunneqarpata angallatit angisuut aqutsiveqarfimmi allami aalisarnerup ingerlatiinnarsinnaaneranut taamatuttaaq periarfissaqarput. Kisiannili annertunerusumik killiliisoqarpoq, tassa angallatit angisuut atorlugit aalisartut ukiumoortumik pisassiissutinik tunniunneqarsimasunik nunguutsisimannginnissaat. Aammattaaq piffimmi aalisarfiusumi pisassiissutinik aalisarneqarsimanngitsunik peqassaaq. Angallatit angisuut aalisarsinnaanerannut piunasaqaatit assersuutigalugu aqutsiveqarfimmi Ummannami tassaapput aqutsiveqarfimmi angallatinut angisuunut pisassiissutit nungunneqarsimann-

ginnissaat aammalu ukiumoortumik pisassiissutit angallatinit angisuunit aalisar-
neqartut nungunneqarsimanginnissaat.

8 pillugu: Sinerissap qanittuani qaleralinniarneq pillugu nalunaarummi nutaami
erseqqissarneqarpoq, aalisarnermi atortut annaaneqartut ujarneqarnissaannik
qaqqinneqarnissaannillu tamanik iliuseqarnissamut aalisartut namminneq pusu-
saaffeqartut.

Inussiarnersumik inuulluaqqusillunga

Ane Hansen